

पिकाक
लुमन्ति खलः

सत्य-सती

(खण्ड काव्य) नेपाल भाषा केन्द्रीय विभाग
मा सा सा संकाय
त्रि वि
२०४३

T 143

महाकवि
सिद्धिदास महाजु

रवि शाक्य
इखाछै, यल

सत्य-सती

(स्वर्ग काव्य)

महाकवि

सिद्धिदास माहाजु

पिकाकः-

लुमन्ति खलः

कान्तिपुर, नेपाल ।

स्वकःगु संस्करण

ने. सं. ११०५

पृ ४१-

वाकू-

सभा: प्रिन्टिङ्ग प्रेस,

क्षेत्रपाटी, कान्तिपुर, नेपाल ।

जन्म- ये, केलत्वा: क्वाछे ननी
ने. सं. ९८७ ज्वाला गा: २

शिक्षा- छेय्हे गणित, ज्योतिषी व
संस्कृत आदि ।



लजगा- न्हापा जागीर, काय: पस:, वीरगंजय् व माल-चलानी लिपा
कमलाछी बैद्य पसलय् नोकरी ।

रचना- सज्जन हृदयाभरण, सिद्धि रामायण, प्रेमसागर आदि
बासःगुति सफू ।

प्रयाग- ने. सं. १०५० कछला गा: १३, आर्वाटय् ।

पिका: पाखें

सफू पिथनेगु लॅपुइ लुमन्ति खल:या थुगु पलाख्य जिमिसं औ महाकवि सिद्धिदास माहाजुया थो थो वार्षिक छन्दया खण्डकाव्य 'सत्यसती' सफू पिथना च्वना । खयतला थव सफू न्हापां नेपालभाषा विकास मण्डल पाखें पिकया त:गु खः । अनं लिपा जिमिसं निक्क:गु संस्करण कथं पिकया । तर थौं कन्ह्यं थव सफू हानं दुर्लभ जुया वंगुया कारणं याना B. A. या पासापिन्त छगू समस्या, छगू आपत्ति दं वयाच्चंगु खें जिमिसं थुइका कया । B. A. या पासापिन्त दं वयाच्चंगु थुगु आपत्ति वय्क:पिनिगु जक समस्या मखु वक्की छि लुमन्ति खल:या नं समस्या भा:पा: जिपि हानं छक: न्ह्यज्यानागु खः ।

स्वक:गु संस्करण जुया: पिदंगु थव सत्यसतीयात नं छिकपिसं थ: नाला दी वँगु मन्तुना । थथेहे जनतायात वयाच्चंगु मेमेगु समस्या नं जिमिगु समस्या ख: थका: थुइकाव वनाच्चनेगु जिमिगु कुत: जुयां च्वना । भले, थन शोषित जनता सकलें छपें जुया: शोकषतय् ह्ला:तं मुक्त जुइ फ्यमा:- थवहे लुमन्ति खल:या थव: स: ख: ।

लुमन्ति खल:

जि स्वयं

मनू छन्हु सी तर अमिसं यानाथकुगु ज्या लिपा लिपा तर्कं ल्यना च्वनी । नेपालभाषाय् पद्य पाख्य कविवर सिद्धिदासजु व गद्यपाख्य पं. निष्ठानन्दजुं यानाथकुगु नं अध्य हे युग युग ल्यना च्वनीगु ज्या खः । राणाशासन यागु चूडान्त बालयापि समकालीन थुपि निह्य विद्वान् झीगु भाषाया निग: ज्वलन्त नगु जक मखु उगु समयलय् उदित जूपि चन्द्र सूर्यथं हे खः । वय्क:पिनि प्रति झीगु जाती अपो ऋणी मनुसे मगा: ।

परिस्थिति व अर्थयागु अमावं छापे याना: प्रकाशित याय् मफुनां थ:क्य उकुसमुकुस जुया वेंच्वंगु खें कविवर सिद्धिदास अमात्यजुं च्वयाथकुगु अपालं ग्रन्थ दु । उकीमध्ये थ:गु जीवन कालय् हे 'सउज्जन हृदयाभरण' छापे याना: वय्कलं भाषायागु तच्चोगु प्रेमया नमूना बिया थकादिल । जिके आ: छापे याय्गु सार्मध्य मदुसां छन्हु जिमि भाषाभाषीपिसं मात्तु मालासां जिगु कृति छापे याइ धँगु बल्ला:गु आशां थ:गु रचना प्यंगु न्यागु प्रति ल्होगु वय्कलं यानादिल । अले व रचनात न्हना मवनेमा थँगु विचारं प्यहा न्याहा विभिन्न दृष्ट मित्र व बान्धवपित उपहार स्वरूप बीगु वय्कलं यानादिल । ग्रन्थ हे वय्कलं तैथकुगु सफूमध्ये छगू 'सत्यसती' थौं पिहाँ वेंच्वन । वेक:यागु दिवंगत आत्मायात अवश्य छु सन्तोष बिल जुइमा: । कवियागु शाब्दिक प्राण कविता ख: । थथेहे वय्क:यागु मेमेगु कृति नं पिकया: वय्क:यात सन्तोष बीतिनि धँगु जि विश्वास याना ।

नेपालया संस्कृतियागु लिधंमाय् सम्बादयागु रूप्य थुकी मिसा-तय्गु कर्तव्य, लिथु हय्थांहा मिजंयात न्वाखें आदि दु । थुकियागु

भाषा प्रवाहमय तथा सरल जूगुलि ब्वनेबलय पाठकपिन्त अवश्य नं थ्व सफुलि साप हे लय्ताय्के । अन्य देशीय तथा विदेशयागु शब्दत गनं गनं लानाः नं थुकियागु गति गनं अवरोध जूगु जि मखना । छन्दयागु पाद पूतिया लागी हरेक श्लोकय् धैथ्ये 'का' शब्द प्रयोग जुयानं भाव व्यक्त याय्गुली गनं बाधा जूगु मदु । प्रचलित संस्कृत व्याकरण अनुसार जक मजुसे गुगुं गुगुं संस्कृत शब्दयात थुकी शीगु म्ये नोवाङ्गु रूपय् लावंगु दु । कविजु छद्म नेवाः, नेवालं च्वःगु थ्व ग्रन्थ शी नेवाःतय्गु भाय् दतल्य ल्यना च्वनी धैगु जि विश्वास याना । खः, थ्व वैज्ञानिक जमानाय् थुकी धैतःगु गुलिछ्ये खे आःयात मलोगु नं जुया वनेकु । थ्व परिवर्तनशील संसारय् गुगु जक सत्य थ्यातःगु खे सदा धिर जुया च्वंगु दु । तर गुगु इमान्दारी व हादिकतां बुलाः व खे व्यक्त यानातःगु दु व हे वास्तविक कविता जुयाः ल्यनी धैगु जिगु विचार दु । "बोमा जिनं धर्म तोते मखूका" धैगु वाक्यय् कवि थःगु जावनयागु आस्था प्रेम व्याककं हयाः शीगु जातीयागु धर्मयागु नुगः थुकी ब्वया थकादीगु दु ।

विशेष यानाः शी तताक्यहेपिसं थुकिवात थः नालाः, सदाचार-आगु क्षेत्रय् नं च्वय् थाहा वनेत प्रेरणा काइ धैगु नं जिगु विश्वास दु ।

— सिद्धिचरण श्रेष्ठ

१९१२०१९

सफूया खँय्

'नेपालभाषा विकास मण्डल' ग्वसाः ग्वःगु थ्व वंगु 'सिद्धि जयन्ति' समारोहय् स्वर्गीय सिद्धिदासजुया बासःगुति मछि अप्रकाशित सफू मध्ये न्हागुसां छगू सफू पिक्काय्म धकाः कोछ्यगु कथं थ्व 'सत्यसती' छण्डकाव्य शीगु ह्लाःतय् ध्यनाच्वन । थ्व अत्यन्त लय्तायापुगु खे खः । छायाःसा वय्कः सिद्धिदासजुया छद्म शिष्य कविजु सिद्धिचरणया धापूकथं धातये हे—

“गथ्य परवतया च्वं वैगु प्याहाँ निभाःथः
अथ्य लुल कवि सिद्धिदास अज्ञानया द्रं,
तर कपट ववगुं साः मुनुं राश खाःगु
जन हृदय-उञ्जानं स्वां मल्लः न्हूगु न्हूगु ।”

जुया च्वंगु शीगु समाजं वय्कः कविजु मदय् धुकाः नं प्रकृति नापं—
“वन व वयबस थौं नं यक्न स्वांमा सिमापि,
व कविवर लुमंकाः दैय्देसं वीब च्वनि,
गुलि गिरिवरतय् सो आःतकं दूमन्धनि
अमिगु शिरस च्वापूया ब्यतलि मपोनि ।”

थथ्य श्लोक याना च्वंगु खंकाः नं थौं तक वय्कःया लुमंती छुं याय् मफ्या च्वंगुली थुगुषी थ्व सफू छगुसां पिक्कायाः शी नेपालभाषा-भाषी सकस्यां प्रतिनिधि थे जुयाः वय्कः कविजु ह्यमस्पृषिन्त नं वय्कःया हृदय थ्यंक हे ह्यसीका ब्यूगुली विकास मण्डलया कर्मठ कार्यकर्तापिन्त धन्यवाद बीथाय् दु । मखुसा शीसं वय्कःया सफू शीगु भाषाय् दकल्य न्हापां थासा आबलय् कविताया सफू जुयाः पिहाँ वःगु 'सउज्जन हृदयाभरण' छगू जक धकाः च्वना च्वनी तिन । आः शासं शी थःगु विषयल्य वय्—

अ जा वय्कःया कृति बासःगुति दु बाइ । उकी मध्ये ३८ गू सफूया नां स्पूगु व २० गू सफूया संक्षिप्त परिचय 'कवि

[ज]

सिद्धिदास व अमरकृति' धयागु लेख्य लाःगु दु । मेगु
३ गू सफू-शारदा भजन, संसार दुःखया खँ व शूक्ष्म छन्द नं भाषा प्रेमी
मा. जगतलाल व सिद्धिचरण दाजुया सौजन्य प्राप्त जूगु दु । स्वंगूया
संक्षिप्त परिचय बी लो ताया ।

शारदा भजन- थुकी शारदाया स्तोत्र नापं अनेक
छन्दय् चवयातःगु खुगू ऋतुया अनेक स्वांया बयान दु । पास्य् थास्य्
थाय् प्वंकातःगु दु, शयद अन स्वां फो चक्केगु विचार ज्वीमाः ।
छथाय् काल सिद्धि छव्यमखु धकाः कबूल यानाः शारदायाके ज्ञान
पत्रनी-

“छव्य मखु जिन काल घौछि नं का ख्यरे नं
सफुलि जिन स्वया नं काल याये बिते नं,
दै धक जित आशा जां छगू का सदानं
खुशि जुय छिन मालं सारदा छी सदानं ।”

वय्कया दृष्टी काय् व म्हाय् छु पाः स्वयादिसँ-

“काये म्हाये निहंका मनन उति खना आखलं जा स्यने माः
न्हापां बोकेबले हे म्हुतुन थिक धका शिष्ययातं स्यने माः,
व्याकरणं छु तालं म्हुतुस लयि नका शब्द छुं हे मस्यकं
व्वंसा धाई व शुद्ध फलं व मजुलं सत्त धाये व हे खँ ।”

सफू सिध्याका दी-

“सम्बत् बिक्रम सिंगुसल् व न्हय्छी वैशाख सुदी पुणिमा
चोयामू सिधलं थव ग्रन्थ थन जा याना दिसं न्हं क्षमा,
पच्छे सस्वन्तिया दया थन जितं वोया जि बुद्धि बल
नां जा सिद्धिदास अमात्य थरका चोनागु त्वा जा बयल ।”

संसार दुःखया खँ- थव श्री छन्दय् चवयातःगु
जन्म दुःख, मचाबलया दुःख, ल्याय्बलया दुःख, बुढाबलया दुःख व

[झ]

सीबलया दुःख धकाः नां छुनाः चवयातःगु ५ गु कविता जक दुगु सफूया
खः । उकी बुढाबलया दुःख छत्वाः न्यनादिसँ-

“स्वयन जा मज्जु बैस का बुढा
हिसिन मन्त का ह्मागु खं छु का,
मतइ मान नं थो बुढा धका
सकल लोकया न्हूगु जा यया ।”

सीबलया दुःख नं न्यनादिसँ-

“हइ स्व रोग नं पास कालया
मखु जि नं वने धाय दैगुला,
फुयव आयुखं घौछि तै मखु
गुलि दु बस्तु थो यंक्य दै मखु ।”

शूक्ष्म-छन्द- थव सफूली लघु गुरया लक्षण, गणया
लक्षण । व २८ गू छन्दया लक्षण नं । न्हागं शारदा वन्दना न्यनादिसँ-

“वन्दे न्हं शारदा माता सफू व जपमाः ज्वना
आनन्दं वोण थाम्हं छी हंसया हयसं चवना ।”

तोटक छन्दया दसु बिया तःगुली संगतया विशेषता स्वया दिसँ-

“मणिसां छगलं गन तेज वइ
उगु त्वी थुनसा तिनि तेज थुइ,
अति जां दुहा ज्वी बलवान जुइ
निह्य हे दतसा तिनि तेज वइ ।”

कीर्तिया बयान पञ्चचामर छन्दय् न्यनादिसँ-

“छु याय जन्म वैगु का व कीर्ति भिगु छुं मया
व राम नाम कागु का स्व वैगु कीर्ति छुं दया,
बयेदं ग्वीदं स्वातसां व स्वागु सीकि वित्तिकं
व कीर्तिवान स्वागुका खुभि स्व नीदं नीनिदं ।”

हः, थज्या थज्यागु हे सफू मध्यय् थ्व सत्यसती नं अनेक
छन्दय् च्वयातःगु खुगू सर्ग दुगु स्त्रीशिक्षा सम्बन्धी खण्डकाव्य खः, गुकियात
पिकाय् धकाः विकासमण्डलं त्यय् धुकाः नं धौ धो हे मदुगुलि
छ्याय् छ्याय् जुयाच्चवलय् मा. जगतलालजु न्हापा न्हापायार्थे कुमचासे
थल्हया तयादीगु प्रतिलिपि मालाः स्वःहुबिक स्वयाः गनं माःगु तनाः
गनं संशोधन नं यानाः बियादीगुलि विकासमण्डलया इच्छा पूर्ण याय् फत ।
धात्थे ला थ्व काव्यया विशेषता बांलाक बाखं हना तःगुली
मखु, बाखंया दुने ऋतु ऋतुइ दइगु स्वां-सि आदि सहित वन,
क्यव आदिया प्राकृतिक वर्णन यायां ऋतु ऋतुया विशेषता क्यना-
तःगु व देगः, छे, ब हा, च्क आदि स्थान वर्णनया दुने पशु, पंछी
व मनुतय्गु स्वभावया चित्रण याना तःगुली दु, उकीसनं नेपालया
नैऋत्वेसा, तिसा-वसः आदि द्वारा नेपालया सम्पत्ता व अनेक गीत-
बाद्य-नृत्यया उल्लेख यानाः नेपाल-संस्कृति क्यना तःगुलि कवियाके
सुलाच्चंगु नेपाल-राष्ट्रियताया परिचय बियाच्चंगु दुः गुगु थ्व सफूया
प्रत्येक ऋतुइ सहृदय पाठक पाठिकापिसं भाक्वं खनी ।

जि ला उकि भाः छको नीन्यादै न्ह्यःथे थय् धाय् मास्ति वःनि-

“भापा-भास्कर सिद्धिदास कविजु छं जिस्त दाना वन,
हा, अस्ताचलया दिपय् मदु गनं माला स्वयां नं थन ।
अथनं छंगु दनी मुकीर्ति-कविता आः रक्त आभा सम,
वो हे रश्मि बिनाः तनी ‘हृदय’ दीर्घल्य रूपी तम ।”

सत्य सती

वन्दना

शकुन् वागीशा छी खुसि सिथस दीया दिल छिनं
ज्वना थाना वीणा सकुलि जपमाला अन छिनं,
पियारी छी बिद्या गुह्य जनन बोनी उह्य हनं
सदाकालं याना छिगु भजन चां ह्नि मन मन ।

विषय प्रवेश

नानी लोनावती न्यो थनस जिन को धर्म नीतीस धागु
न्यो ह्नां ठं मन्तयावो अति हित गुथिगू स्त्रीजनं सीक्य मागु,
नेना जीनं तया दू अति हितगु खें नं छंत न्यंका बियेका
संखज्योती महाजन् ललितपुरस दू मोह जालेस लाह्य ।

व्याहा याये धका वो अति तनमननं जू मिजंम्हं थ्व हे का
वोया छेया कलातं लिथु हयत हनं तन्मनं आश याह्य,
पासा जूया कनं वं अति मन हरषं प्रेम याना जितं वो
न्यंके सत्यः सतीया हिसि दुगु खें द्यता तन्मन न्यो छनं खें ।

वसन्त वर्णन

जात्रा वैशाख मासे त्रिभुवनपति श्री बुंगछोया जुया का नैक्यालं लवीगु दीने लसकर बलका देशदेश वया का मायावेती तता नं बल अन स्वयतं संखजोति खनं का नापं लाना खं जूलं मुखदुख निहस्र्या द्यो स्वस्व हे अनं का ।

संखज्योति-

मामावेती तता सो दुखसिल थन जि छे कला दुष्ट जूया व्याहा याये लिथू जि छिन जित हिं जे यले मातु जूया जानी जूया छय धासा छभि वनहा नपं व्याह याये व येका धंदा काये मते छीं जिन छित वसतं योगु लेका बियेका ।

मायावेती-

भाजू कांतीपुरीसं अति हिसि दुहा नं भात सीहा मिसा का रूपं बांला अधीकं चतकन खं वया पुष्ट ज्यू नं जुया का, योसा जीनं हया बी छित जिन व मिसा वो जिनं दू सिया का छुं हे छीनं मङ्गूसां छिगु गुणन जिनं धावने जी वना का ।

सत्यसती

[३]

नानी लीलावती न्यो लुत उगु रथसं नक्यालं जा अनंका लाना काये धका ओ जुल अनं सकलें काय दैगू मनंका, कमें स्वैतं दुका सो वइत अन उगू यंकलं ओ कयाका ल्याहां ओनं निहं छे उलि खेखिं जुयका गातका स्वेधकाका ।

जात्रा सोया वयांली निन्दु स्वहु दयका संखज्योती वनंका,

संखज्योति-

मायावेती तता छीं जित भति गुण या दू सियावो छिनंका, छीगू छे जी वया का हतपतन थनं ह्लाहुं वो छीं मिसा का मेगू ज्या वांछवयाओ थनि छन्दु निन्दुसं झासैं छी जी धया का ।

अन छको वनसा छिगु सी गुणं तुइक रेशमया अति भिगु नं परसि फारसिया लन साटन जनिख मलमलया बिय जी थन ।

मायावेती-

थुलि जित बिय धासा ह्लावने जी वना का ऋतु ऋतु पतिकं तुं धावने जी वना का, चिज बिज बिय मासां जीं बियाओ हयेका जिगु भर थुकियागू ओ मिसा जीं हये का ।

सत्यसती

संखज्योति-

वसन्तं आ हे का वइ थन अवश्यं जिन खना
ज्वना हं छीं स्वांमा छु छु दत नस्वागू फुक हना,
बिया छोये जीं नं सुटुक्क छिनं योंकी अनसका

लिहा झाया छीनं जित थन लिसः ब्यू थुगु धका ।

मायावेती वनं व कान्तिपुरिसं सत्येसतीया छयसं
फेना चोन इता कपी वन वन कया फेकःतुना ओ बेंसं ।

सत्यसती-

धोमा छी गननं जि छेंस थनका तापागु ख्वालं छि जा ।

मायावेती-

आठु याय थनं वये मफुतका नानी छियासं जि जा ।
नोतूलं हकनं हिला मुसुमुसुं सत्येसती माननं-
ज्याजी छुं दतला जिथास वयगू धोमा जितं धा व नं,
कंसा का उगु खं मनेस लुलगू धाये मते तोपुये
धायें जि थनसं व ज्यूगू जुलसा आशा व याके पुरे ।

मायावेती-

नेने ला छिन थौं जिगू खें भति छुं तंचाय स्वा ह्नां छिनं
आ छू याय छिनं सिना वन मिजं ल्यासेह्ना सीया जिनं,
ह्ना ओया जिन छी मिजं छह्नासित ओने योला धका
नानी सत्यसती कने छित जिनं थोका मिजं सो धका ।

सत्यसती

संखज्योती महाजन ललितपुरिस दू नानी सत्येसती न्यो
वौलत् वंके दु योवको दुखसियन मनं धागु चीज्बीज् दया च्वं,
मांबौ ओया मडूका अति हिंसि मडुम्हं दू कलातं वया का
भातं धाय्थें मचोना लिथु हयत हनं तन्मनं आश याह्य ।

संसारे झी मिसाया अधिक तवधनं स्वामि भापी छिनं का
काये म्हाये दुसानं धन अधिक दुसां भात बाहेक नं का,
छुं नं खेले मडूका थुगुलि जगतसं नानि ज्ञानं स्वया का
ओने म्हाला छि वंके मिजन अधिक भि नानि छीं छू धयाका ।

सत्यसती-

धाये हे छीं अजोग्ये जित थुगु ववनं भात सीम्हं जुया का
काये म्हाये सुयातं जिन थनस बिया सत्य तोते खुया का,
ओनं बेइया व मेले नय तियत दुसां ओ मनू ला पशूका
घाई लोकं जितः सो थन छिगु मननं धर्म तोते मडूका ।

मायावेती-

नानी आज्ञा वसन्तं वल थनस हनं सो ह्वलंका पलेस्वां
पंखा गालेगु मज्जा फय वइ सितलं वास लेया छुये स्वां
मूस्वां मेता छु यो छी थुगु ऋतुस दुगू स्वां जिनं बी हयाका
मन् नं भ्याहे मओं छी पुरुष छि मडुसां नानि छि छू धयाका ।

सत्यसती

सत्यसती-

ओसां छू वो वसन्तं महु थनस जितं कामया रङ्ग नं का
मूस्वांमा नं ववखासां जिन थन सुमुकं त्याग याना मंका,
स्वानं छूये मयोका पुरुष जि मदया लोनं वंगू मखूका
ओसां ओलं छुपाये थुगु ऋतु वलसां धर्म तोते मखूका ।

मायावेती-

रूपं बांलागु नं दू अति हिसि दु हनं सोय नापं ययापु
ज्यू नं पुष्टं छिगूका दनि वइस हनं नानि छी जि खनागु
ओने माली छको जा छिन थन अवस्थं ताकनं जि स्वयाका
न्हाला ह्याला जवा ब्यू खनि छनु निम्हुतं नानि छि छू धयाका ।

सत्यसती-

धोमा नेना विसं छि धरम थुगुत्थं भात सीवं मिसा नं
सोये गातं मिजंया रुप गुण सकतां स्वप्नसंका सदानं,
कोजी धाक्वो जि काये थजि मिजनं फुकं जी पिता धयागूका,
कालं यंकी छको जी तइ महु थनसं धर्म तोते मखूका ।

मायावेती-

भाजुं बी धा तिसा नं छितः फुक ज्वलनं लू वहःया थुना बी
लूया चुरी हनं बी ह्लयनस तुकी प्वाल दक्वेस माछी,
कल्ली बी धा व भाजुं जरिवह सकली सच्छि तोला तया का
लूस्वां भींगु लूयागु वन छित बिय धा नानि छि छू धया का ।

सत्यसती-

धोमा माहा जिला सो मिजन उइ तिया कूल तोता वनेगू
काये स्हाये लहीना जिन धरम हना सत्यसं जी चवनेगू,
माजू बाजू निम्हेस्या शरणस जि वने ती नये जी दुगू का
भक्ती याना हरीया जिनं जनम हने धर्म तोते मखूका ।

मायावेती-

पसीं फासीं जनी जा अति मिहिनगु का चुन्दरी पञ्चरङ्गी
ढाकाया गा व भिंगू सकलि हिलिदुगू बेलगू पञ्चरङ्गी,
लं बी छीतं व साटन् जरि जक दुगुका भू भुली सविल धाका
चूरी बी सिम् सितारा मिहिनगु सकली नानि छि छू धयाका ।

सत्यसती-

तीये गातं नये नं गुछुनु पुरुषनं प्राण तोताव झालं
आजा धोमा जिनं जा थुगु जगत फुक जाल का धाय मालं
ओई वर्षागु कालं बिजुली पुतुक नं ताउ चोनी मखूका
चोनीगू जी उली का थुगु जगत स्व धर्म तोते मखूका

मायावेती-

भोया स्वां भींगु बीधा सपलस छुयतं सें निकगू सुतानो
बीका हानं टिका नं सिहल फुक ज्वलं छाप बत्ता दु नानी,
तख्ता वाल् ह्वाय्कनं दू अति निरमलगू छीन धा वे धका का
पयानाओ सत्ययातं उइ मिजनं छितं नानि छीं छू धया का

सत्यसती-

नां काये स्वा जितं थो तिय धुन सकतां स्वामि जी दू व्यलासं
लो नं जीं छुं मवका सुख विषय हनं तोति छीनं थव आसं
जी स्वामी नर्क छोया जित मिजन हनं स्वामि नाले मखू का
हा ही वे स्वा जिथासं सुमुक दिस छिनं धनं तोते मखू का ।

मायावेती-

हागू बांला व कोकिल् भवल भुनुनुं नानि छि थो मता ला
स्वानं होल सिमाया भति भति चुलि ओ नानि ओ छी लिलाला
मन् नं पो चीकु का छीं जुभन छि दुहासां भात लूनं ममका
ध्यानं छीन मखंला मिजन थन धका नानि छि छू धया का ।

सत्यसती-

नेने ला ला जिनं ओ हिनछि सुचुकुचू याय माका थव छेँसं
चोने जीनं मयो का असुघर जुयका घौछि नं का थव छेँसं
चर्चा जीनं छु याये ऋतु थुगु उगुया भात सीहा जि जूया
व्यर्थ ओनं जितं थो छिगु वचन फुकं धर्म तोते मखू का ।

मायावेती-

भातं वाकाव चर्चापि युवति जन फुकं खोदूगु थव वसन्तं
पर्देस् ओंपि लुमका विरहन व सदां चोनिका ओ मिजंत
धन्दां गंसी जुयेका नयतिय मस्वर्ते प्राण लेनी वयाका
थो थें छीनजुईगु जिन थनस खना नानि छि छू धया का ।

सत्यसती

सत्यसती-

पोमा धंदा जिगू छि गन तक लुमन थो फुकं व्यथं ओनं
छाये धासा जि जूलं पुरुष मदु मिसा मन् गनं ब्रां मओनं,
स्वामी जी झागु देशःयमपुरस धका ज्ञानिनं धागु दू का
भासा तोता छव्या जी वइ मखुगु खना धनं तोते मखू का ।

ललितगुर दनाओ कवनंका लिपू खें
गुलि तक अन जगू कवनका दुगू खें,
छु छु जुन धक नेनं संवज्योती उथासं
कन अन व लमीनं खें जुनंका ववथासं ।

मायावेती-

मनन जिनं मखंका ओ मिसा ब्याह याके
चतुर अधिक ओजा जी मछाला व धाये,
छन्हु जिन अन ओला चाल सोया वयागु
मस्बत वन मिजंया खवाल नं जा सुयागुं ।

इति श्री अमात्य सिद्धिदास विरचिते सत्यसती चरित्र
कथने वसंत ऋतु वर्णन प्रथमोऽध्याय ॥

सत्यसती

ग्रीष्म वर्णन

लीतावती न्यो छन मन् तथा तिया
ओनं हथासं उह्य संखज्योतिका,
वानं छू याओ फुक छेस ज्या वया
मायाव्यतीया छुध वना व चों व का ।

संखज्योती-

तता मायावेती जित छिन हया व्यू उह्य मिसा
कबल् छि यागू दू जिन हय धका ओ छिन लिपा,
जिगू कोटी बिन्ती छन्हु निन्हु वना व्यू अन छिनं
व जा ग्रीष्मःकालं थन सुदुक्क वंगू खन जिनं ।

मायावेती-

वने भाजु ग्रीष्म जिन उह्य मिसाया गृहस का
दनी वस बोया शरिर अति बांलागु उन का
मनं ओने धासां म्हुतुन गन धाई जिउ धका
सरम् चाया ओनं छकलनं वई न मखु वका ।

सत्यसती

[११]

वनं मायावेती छन्हु अन व कांतीपुरिस का
चवनं थाज्या थाना अन उह्य मिसाया सुमुक का ।

मायावेती-

गथे नानी छीतं जिन अन धयागू खं सित ला
मखू स्वैतं सीके ववन जित व्यू ह्नां वय धका ।

जिनं वाना ओया कुछि निकुत थाना बिरचिस
मला धासां हथ्यां जित बिज हि धाई वन लिसः,
गथे याये नानी जित छिन जवा व्यू थुगु धका
छिगू खं प्याहाँ नं वइ मखु गनं हे थुगु धका ।

तांनोया ग्रीष्म कालं वइ चलति अती नानि सत्येसती का
पंखा जीनं हया बी तसविर दुगुका भाजुयागू उकी का,
सोया छीनं बिचा या रुप गुलि दुह्यका बुद्धिमानं छिजा का
शीतल् याना दिये दे जिन थनस खना नानि छि छू धया का ।

सत्यवेती-

पंखा गाले मयोका फय पतिगु मइ हया दु का छेस योको
मूर्ती कवर्या मिज्या जिन स्वय मखुतं द्यधनं का व स्ववकों,
गानं देका जि योः बिरचिस भिनगू भाजु बाजु बिदूका
यानाओ धीजं जीनं सुख दुख सह नं धर्म तोते मखूका ।

सत्यसती

मायवेती-

दाल का जी फस नं फिय मकु गन नं धू वनंका मिखासं
तांनोया झं तुती पू चुजिचुजि भिनकं आ थास थासं,
प्यासं पीडा बिलंका सिचुक लख छको त्वंकि छीनं हया का ।
झाई भापा जि ओया थुलित दुख नया नानि छि छू धया का ।

सत्यसती-

पूर्बे ल्वी माहा सूद्यो पछिमन लुलसां जी मवं भात तीया
दुख् स्पूगु छी वया का थन तुरु तुरुकं छेसं ज्या वाय जीया,
झाये म्वालं छकोनं जिगु म्हुतु वचनं छाक धाये मखू का
कायं म्हाचं हिस्साई जिन थुगु कनसा धर्म तोते मखू का ।

मायावेती-

आ जा नानी वनेसं धुं व किसि, मूग तांन्वया चेत जूया
आहारा छुं मयासें सुमुक सुमुकनं चोनिका मेल जूया
थाये तोता थओगू खुसिसिथस वना फी ह्य बूली वया का
ह्लिह्लि छेसं छू चोने जिगु मनस बलं नानि छि छू धया का ।

सत्यसती-

तांनोसां आ छू याये मिजन महुहाया धर्म थो हे धका खः
छेसं चोना ह्लिखाये जिन हरि भजनं बोन्यका जीन आखः,
शान्ती ओई मनेसं सितल जुइ जितं पीन्य ओने मखू का
माजू बाजू छू धाई छिगु मनन स्व का धर्म तोते मखू का ।

सत्यसती

मायावेती-

दामं धाक्कं कया बी असरफि छित जि कंपनी मोह नोटं
हीरा मोती मणीनं बिय धक धा धागु दू का छि लोभं,
धिवकारुंढी छि नानी युवति मखु छि जां छीगु मन् लोहया का
सी ओ सीकी सुनां का थुगु जुइ धक नं छि नानी छू धया का ।

सत्यसती-

माया चोना जिनं धन् निगुलि करवलं थो निह्यं काय म्हाय
लोभं म्वा मेगुया जी गुलि तक फत का मक्तिया लोभ याय,
म्हाक्को धन् थूहसांनं वनि थनन सिना योंक्य छुंहे मफू का ।
पुण्यः ओ पाप योंकी धज जिन सिल का धर्म तोते मखू का ।

मायावेती-

साभुं नं जि हया बी अतर जक गू ह्वालसं छी बुयेतं
अतर मासां छिप्रोगू खुसबि अति दुगू वास वेका तयेत,
छू छू याये छिनं धा जित थनस हये नानि छि छू हयाका
भि भिगू वास ओगू ततजिगु जिन बी नानि छि छू धया का ।

सत्यसती-

चन्दन् दू जी हरीया भजनस वडगू अतरं जी मयोका
विद्या तीर्थे जि दूना खिति फुक चुयके साभुनं जी मयोका,
स्वामी जी दू व्यलासं जिन मनपरिनं बानलाकागु दू का
ज्ञानीनं धा थयेका जनम भरि जिनं धर्म तोते मखू का ।

सत्यसती

मायावेती-

गवावे मस्ला हया बी जिन छित भिनगू नानि छी बेगु जूसा
पुष्टीगं नं हयाबी जिन छित भिनगू नानि छी योगु जूसा,
कस्ती ध्योयागु ठेकी जिन छित बियके भाजुयाके धया का
धर्म धासा छिनं जा नय तिय छु खनी नानि छि छू धया का ।

सत्यसती-

ह्लापां स्वामीं बियेका नय धुन सकतां ग्वा ग्वये नं अपालं
घाथें नं थो शरीरं छुइ छन्हु मिइसं पुष्ट ज्यूयाय गातं,
ध्यो ओ कस्ती जितं जा हरिभजन जुलं नेगु ज्या भि मजूका,
माजुं बाजुं नकू थे जिन सुमुक नया धर्म तोते मखू का ।

मायावेती-

नानी छी जा अधीकं गुणि जनह्मा भात सीसां छि जा का
वैसं लानी धका का छित जिन थनसं बित्ति याना जुया का,
भाजूया छें कला दू अति हिसि महुहा ज्ञान ओनं मका का
ह्लाके छोया हलं छी जित उहा भिजनं नानि छि छू धया का

सत्यसती-

बुद्धि थाये मकाका उहा भिजन जुया छू वया ज्ञान्दयीका
न्ह्येथू लीथू तया नं सुख गम सिइका त्वापुया छें जुयीका,
स्वर्ग लाये मफूहं मनमन थभनं मोक्ष लायेत जू का
ज्ञान् नि गाकी धयाव्यू सुमुक छिन वना धर्म तोते मखू का ।

सत्यसती

मायावेती-

धन् नं दू ह्लां अपालं चलन चलति नं काय बीये वया का
छें नं चू खं तताजा चुनवतव तया रंग रोगन् इला का,
सप्का सुवर्जने दू चुक चिक अन सं लोहतं सिया का
केबं दू छेंस नापं फलफुलसइगू नानि छि छू धया का ।

सत्यसती-

कैलाश थें बान लासां त्रिभुवन जननी लक्ष्मिया छेंस जूसां
इच्छा जीनं मझोंका पर पुरुष खना कृष्ण थें चोंहा जूसां,
माजू बाजू निम्हं जी शिव परवतया म्हाय भापागु दू का
काये म्हाये व जीनं हरि भगति जुया धर्म तोते मखू का ।

मायावेती-

बैठक् दू का अनीगू अति तवधनगू ह्मायकनं इया तयागू
रंगं पाना व नीरं अति दत का स्वेबले शं वयागू,
बुद्धावाला फ्रेन् दुगूका तसबिर ततपा मूर्ति छोया चवया का
लासा लाया गलेंचा धलिमस दु इलां नानि छि छू धया का ।

सत्यसती-

आश्रयें छू उकीया महुगु मखू का मनं छी लुमंकी
धन्ये भापा जिनं जा जगतस ईश्वरं सो लुमंका,
वश्ये याये जिनं फू हिसि दुहुगु मुना जि तये नं व फू का
संतोषः जी थुलि हे करम कुटिवनं धर्म तोते मखू का

सत्यसती

मायावेती-

मे हाली का गवैयां हिनछि अन वया राग ओ रागिनी का
बंठक् बंक् वईका मिजनत अनसं यौवनं जावपि का,
थाईका हारवीनं अन अमिसन का मोह छी उवी स्वयाका
नेने न्ह्याःसा छि झासं जिन सुमुक यने नानि छि छू धया का ।

सत्यसती-

माजू बाजू छु धाई जिन नअ वनसा धर्म तोफी जिनं का
छि स्वेवं भंदनाओ वनिह्य जि खन ला कूलया स्त्री जुया का,
वेश्या जी जा मखू का करपिनि मिजनं हागु मे न्यो जुहुका
नेने जीनं पुरानं थन जिन हरिया धर्म तोते मखूका ।

मायावेती-

फोनोप्राफं म्यहाली अति रस रसया दम् तयावो कलंका
थाई का ओं सितार्थे तिनितिनि भिनकं वासुरी पू वनं का,
ह्लीली हानं थमंतुं खिरिखिरि खिरिकं नानि छीनं स्वया का
पोला छीतं कयना बी उगु कल छि यना नानि छि छू धया का ।

सत्यसती-

धार्थ्ये खं छीन धागू कल थुगु दु धका जीं थ्व थो हे न्यना का
छू याये कर्म खोट्टा पुरुष जित मद्र पाप जी छुं वया का,
स्वामीं वाका ज्वने मा वइस दुगुइले कर्मसं जी मद्र का
प्याहाँ ओने मखूका दुसगुण जि जुया धर्म तोते मखूका ।

सत्यसती

मायावेती-

मेले झासा जुईका सगुण छि थनसं मेल जाये मखूला
काये बूया वये दै हन दछि निदसं झं सगूनं छि जूसा,
प्रस्थाने छी मयेका मखनक दियमा गम्नयापि धकाका
छी छी जी जा मयोका थुलि दुःख जुयका नानि छि छू धया का ।

सत्यसती-

छी हे झासां जिऊनी सगुन जुय धका स्वामि छि नर्क वंका
कन्या सा धौ व कस्ती किसि रथ जुजुया ध्यो दुरू हुगु नं का,
भिगू बाजं व ला न्या सनमुख दुगु भि गम्न काले थुगू का
मेले ओने मखू जी सगुन जि जुलसां धर्म तोते मखूका ।

सुमुक वन लिहाँ तुं वेतिनी जी धया ओ
ललितपुरस ओना कंवनं व्वां धना ओ-
छिगु मन छु जुयाओ ब्याह याये धयाओ
थव दुह्य भिन भापा चो छिनं मन् चिनाओ ।

मकुत मकुत माजू संखज्योती व धये
नयगु तियगु बीयां बै मखं जि छु धाये,
शिव शिव धक चां ह्वि नां कयाओ जुयी का
मन वचन व कर्म भक्ति याना जुयी का ।

इति श्री द्वितीयोऽध्याय ।

सत्यसती

वर्षा वर्णन

फुरसत दुगु सोया ओन लीलावती ओ
चवन गन उह्य घोमा धा हुँ धाय मती ओ,
ततपर मन याना संखज्योती वनं का
वल वल धक वर्षा दिक्क याना मनंका ।

संखज्योती-

वलं वर्षा कालं दिक दिक दिक जुयोका मन मनं
कला है भिसा का सुख सियि मिजं नं सहजनं,
खिचा त्वा थें त्वाई छह्य दुह्य छु याये हिनछिया
हया ब्यू हेकाओ छु छु वइगु इच्छा उगु बिया ।

मायावती-

किजा संखज्योती मिजन मखुला ह्वां छि जुलसां
कला साह्ये यासा सुख सिइ छिनं ह्वां जिन स्वयां,
व जा ओले वर्षा पिति पितिक बा वें लें लि चुलू
लियू बंकेओ शं दुगु धन फुईका चुलचुलू ।

सत्यसती

[१६]

मायावेती वनंका छन्हु मन हरषं कान्तिपुर स्वयाका
नानी सत्येसतीया छु छु वखत धका ओन न्येना न्यनाका,
मायावेती-

नानी लंचाय फूगू जिन भति व सिया दुःख जिं ब्यू वयाका
पासाथ्ये छी जुयाओ जिन थनस वया ज्यामती छुं दयाका ।

सीक्येम्बा माजुबाजुं उह्य मिजन वया ह्वा छिगू सोय धालं
ओनेगू छि मधासां रुप जक खनसां चित्तथीजूंयि धालं,
ओयाका जी हथासं छिगु लिसल कया ओन्य ल्याहां थनंका ।
नानी सत्यसती धा लिसल जित छुओ जी वना ओ अनंका

सत्यसती-

घोमा शास्त्रं थये धा पुरुष सियव नं मेह्य ओने मत्योका
तोता ओ शास्त्रया खं सनि उह्य जननं सुखया स्वां महोका,
शास्त्रं नेने मन्हाम्हं सुख गन सिइका धन् दयां दू मखू का
धर्म लाये फुसा का सुख सिइ जगते धर्म तोते मखू का ।

मायावेती-

नानी छि शास्त्रया खें गन गन सयका आखलं स्वे लिलावा
राधाकृष्ण धकाओ अति हिसि दयकं हाह्य मैना व बांला,
कोनं ववा ववा मधासं हरिहर व धका धालसां बां मलाका
केना है वं सफूली हित अन वनसा नानि छि छू धयाका ।

सत्यसती

सत्यसती-

कोनं क्वा क्वा धयाओ मयन व लहिये बंधने ओ मलाका
मेना ओ बांभतूनं करकिया खं सया चोंवन सो बक्का
स्वामीया पञ्जलं जी पितहल करमं चों मग्नोआ जि कू का
याये चैनं धका हूँ दुख सियि अनसं धर्म तोते मखूका ।

मायावेती-

नानी सत्येसती आ बल थन वरषा फे मखू ओय नं का
वा वै ह्नि ह्नि मदीले छिगु मनस स्वका ज्ञानिहं खं छिनं का,
आ हे ओलं सुपाजे अति बेंचुगु हनं चौदिकं तोपुयाका
वानं दाई जित: थों जिन थनस खना नानि छि छू धयाका ।

सत्यसती-

छाये ज्ञाया छि वर्षा दुःख थनस सिया लाभयाये छु भाषा
वर्षा कालं सुपाजे भति बलसां चोन्यगू भिगु भाषा
वा ओसा अन्न ओई नय तियत तयां दान यातं द्यूका
धर्म याये फुसा का सुख सियि मनुषं धर्म तोते मखूका ।

मायावेती-

छोया ओनं हलं जी हूँ कि हूँ थन धका नानि सत्यसती थों
अया जीनं छु याये खिडल अधिक लं दुख सिलंका अती थों,
सोयाओया लयेसं बिजुलि पुलकनं ओगुलीनं जियाका
आ हे ओनेतु नानी जिगु विनति छिके नानि छि छू धयाका ।

सत्यसती

सत्यसती-

वर्षाकालं छि छाये जुपगु मन बुगु ई व ब्यो नं मसोसे
बावं वेला स्वयाओ सुमुक थन छिनं छाय ज्ञाया छियोस्यं,
सत्ये याता क्यना जि धरम फुक्य मखू मेत्य ओने मखूका
लज्जा छीनं मचाला छित गुलित कने धर्म तोते मखूका ।

मायावेती-

स्वासा जोना दया जीं छिन थन स्व थनी वास ओगु अघीकं
जूही जीस्वां असेस्वां छित छुछु धलका धा छु यो छी अघीकं,
वर्षाकालं सुवासं अति हित जुयिका जीं उकीं ब्यू वयाका
भाजुं बीके ह्यामी छित बिय फतका नानि छि छू धयाका ।

सत्यसती-

स्वानं छूनां छुयाये हिसि मदु जित जा भात सोहं जुयाका
भापी धाछीं ध्व स्वां थें च्वनि गुलि थिरनं यौवनं त्यास्ययाका,
लाहीक्वेया शरीरं बल बत गुलिका धा उली बां द्यूका
ससाइंहुटा धका ओ सिल फुक जिन आ धर्म तोते मखूका ।

मायावेती-

नानी थों जा छि बांला बल छिगु मन जास्वां छुनाओ उफोस्वां
छीसं धासा बिया है जित उह्म मिजनं योक्व हानं उफोस्वां
ठीयाय् लाका छि छाये जिमं स्वय व थनी छाय छी बां कयाव
मेले ज्ञाया दिसं छी वइस दनि छिके नानि छि छू धया का ।

सत्यसती

सत्यसती-

स्वानं छूना उफोस्वां जिन थुगुका श्री हरीया प्रसादं
भक्तीयोगं स्वया का जिगु मनस वलं ज्ञानया भ्याक याद,
गीता सोया च्वना जि हिनछि भतिभती पाप् मतीलं मलूका
मांबौनं याथ्य याई जिह्य गुलि दु मचां धर्म तोते मखू का ।

मायावेती-

स्या न्यापि छी दुसा ह्नां नय तियत बई नानि वर्षा ऋतूसं
अन्नं फूना वनीका भति भति दुगु नं अन्न वं लानि पूस
छां नं लाई छि नानी जिन स्वय व अथ्ये अन्न मासां हि धाय्का
योंकी धा संखज्योति छित थन ह्य ला नानि छि छू धका का ।

सत्यसती-

चोने जीनं उपासं नय मखु जिन जा अन्न कर्क्यागु नं का
लक्ष्मीं तोता मवंनी दनि धन भतिसां तूनि अन्नं जित का,
वर्षाकालं छुयायी नय तियत दुसां दुःख सी जि मखूका
माजू बाजू मदूला जित दुख जुलसा धर्म तोते मखू का ।

मायावेती-

यो ला बूये छि म्हेसं अगुर कुमकुमं चन्दनं बास ओगू
वर्षाकालं सुवासं अति हित जुइका स्वां छुये वास ओगू
संध्या कालं नन्यायी घुनुनु मिनकं ग्याइ याक्चा जुयाका
भैले ज्ञासा मिजं दे छित मय फुकिन्हं नानि छि छू धया का ।

सत्यसती

सत्यसती-

नां काये जि नन्यासा घुनुनु मिनकं हे नृसिंहःधका का
ह्लि ह्लि मोलं लुया का खिति फुक चुयके वासः स्वाः मेगुया का,
जीनं चोना सदानं हरिहर दु धकाः प्राण कण्ठे मनूया
बासा धाये व हे का जित मय फुकिन्हं, धर्म तोते मखू का ।

मायावेती-

एकं धाला त्रिपासा गुगु यल उगु छी बुद्धिसारं अनं दू
धूकासा, तास, गंजीका, पचिस छु छु छि यो खेल फुककं अनं दू,
नेतू माला दु नानी नित स्वत नयसा योगु धा छि व जा का
बोना येने छितं जि छन्हु निन्हु अनसं नानि छि छू धया का ।

सत्यसती-

ज्या याये अथं लागू ह्लिनिछि यन थओ आयुषं काल नं जा
छे या ज्या बांछवयाओ हितल फुकसिनं खेल नं ज्जा मनंका,
त्या त्या बूदू धयाओ हितल थव रस धका मूर्ख जुलं मनू का
स्वोंका चोनं ह्यिताओ सहज थन अनं धर्म तोते मखू का ।

मायावेती-

स्वामी सीना वसेली चुरट मपि छिनं योगिनी थ्ये थनका
घोटा मस्ला तयाओ छित अनस बिये अमली ज्जी छिनंका,
तोना बीसा बज्ञानं अति मगमग नं कस्तुरी नं तया का ।
अम्मल् योसा गजीं दू नश छित थनके नानि छि छू धया का ।

सत्यसती

सत्यसती-

छी छी धोमा छिनं थो अमल जित योंक्य भाःपा जुलका
अम्मल् याना जि स्वामी छह्य जक व धका मेगु अम्मल् मखूँ,
आ जा श्री राम् धका ओ घरिघरि मननं मान अम्मल् थुगूका
मेगु अम्मल् नया नं सुख गन दइका धर्म तोते मखूँ का ।

मायावेती-

दीलं छी धर्म संका मखूँ गनन धने भालपाओ मनं का
माजू बाजूं छितं जा नयत तियत हनं खर्च गाकं महंका,
दानं त्याना हया बी छित सछि निसलं भाजुयाके धया का
धंदा काये मते छि जिगु भर जुलका नानि छि छू धया का ।

सत्यसती-

दामं क्योंका जितः छि कर करन यने भालपा ओ जुलका
त्याये म्वा जी छदामं नय तियत धका संपती दू जि नं का,
काये बेले खु मज्जा हिसि मनु व लिप ओ ऋणं भि मखूँका
सेनी लोकं निगू नं धन बिय सफया धर्म मखूँ का ।

मायावेती-

शोभा छुंदे मखूँका छिन थनस दियां नानि छि जन्म काछि
चूरी ह्याऊंक सिंग्रीफ तलतल थिइगू दंति तूलं तूलं तया का,
नेले झाःसा छिनं थो जनम भर हनं ती दई मानिया का
छुं हे ग्यां छी मइ ना जिन थनस धया नानि छि छू धया का ।

सत्यसती

सत्यसती-

स्वामी धाये घुसैली अति हिसि मनुसां ज्ञान नं छुं मइसां
जूवा जूसां खुं जूसां अति धरम मइ कुष्ट रोगीह्य जूसां,
भापे मा ह्नां व विष्णू पति जिह्य छि धका ज्ञान थूसा थुगू का
ओया हेतुं कलाम्हं मुखह्य जुलका धां तोते मखूँ का ।

मायावेती-

आसा छूया कया छि थन जनम हने नानि धा छि स्वया का
म्हाये बीया छूयी छि निदं पिदं बलना है कजा कायया का,
माजू वाजू निहं सी गुलि दइ थनसं वं निभा थ जुया का
धोमां धा थ्यें सबंसा दुख नयिन छिं नानि छि छू धया का ।

सत्यसती-

म्वा म्वा धोमा सुयागुं थन जित भरनं आश नं स्वामियागू
काये म्हाये व मेपि थवथितित हनं माजु ओ बाजुयागू
माया वं जी सदानं धरम छगुलिया मेगुया जी मजू का
संसारे सो छिनं का धरम तव धनं धर्म तोते मखूँ का ।

मन मन दिक याना कंबनं का यलेसं-

गनन मखन मेपि सुं मिसातं यलेसं
गुलि गुलि अन हेका वेगु खें वं मल्लाका
लिसल छित बियाका संखज्योती किजा का ।

इति श्री तृतीयोऽध्याय ।

सत्यसती

शरद ऋतु वर्णन

संखज्योती-

शरत् कालं ओई जिन थन खना का उह्य भिसा
अती चंगा मन् नं चतकन व आकाश फुक दिसा,
छको धा हूं छोनं वचन जिगु डेना सुमुक नं
छु याये जी निति दुख सिल तता छीं अधिकनं ।

मायावेती-

तय मफु छथु हक्का छि कला छेय् प्यनूथं
सुखसिइ मखु छी नं बुद्धि का सा थव ह्नीयं,
लियु हइ धक सीका तं बयनी अं कलातं
इनि छिगु थन ह्नां सो नाहकेसं पलाखं ।

सत्यसती

संखज्योती-

कला जी भि सा का हय मखु लिथू जि उह्य भिसा
गुली हक्के वंतं ह्निनछि गुलि काये जिन लिसा,
मचों ओं जि धा थे वनि सुटुक थछे ह्निनसिया
गुली चोने हानं हिसिमडुहा वंगू जिन पिया ।

मायावेती-

शरद ऋतुस ओने आ छु याये छि निति
दुख सिल जिन आ हे जूय मालाब सिति,
गुलि फत उलि हेके चीज बीजें बिया का
गुगु जित बिय छोनं पसि भिगू हया का

मायावेती वन व कान्तिपुरस हानं
सत्येसती ववन गन वन छेस हानं,
भाजूहसैं सिइ धका तल तोह मेगू
आखे हकी जित थनं मद्गु जि लेगु ।

सत्येसती जक खना अन ओं थव धालं-
भेपि जलं सियक्य म्वा जिगु खं सुयातं,
नेना दिसं जिगु खं नं मनती छि थातं
बण्डाल् भिजं न्ह्यथु लिथु तय का जि धालं ।

सत्यसती

सत्यसती-

शास्त्रं स्मृतिं व पण्डित् फुकसिन जित धाभात सीये धुसैली
मेले ओने मत्याका बर दुख जुलसां सुम्क चो छं अथें का,
हेकें म्वा का जितं छिं हिनछि थन वया सुम्क चो वे मखू का
पापात्मा धायकाओ मखु थनस चवने धर्म तोते मखू का ।

मायावेती-

माला श्रीखण्डयागू शरद ऋतु जुया बी हया का जिनं थों
शोभा दे छी दुखसं चवनि तिमिक गुली छोन्य लाई थ्व नं थों,
वासं ओया चवनी का अति मगमगकं नानि जीन स्वया का
थोका सोया दिसं छीं गुण बियि छित थों नानि छ धया का ।

सत्यसती-

हेकां हेई मखू जी हिनछि जित छिनं मा कयनाओ नस्वागू
पापं पूनी जितं जा सहज जिन खना मेल्य ओने मछागु,
बीये धासां अनेगू जित छिन थनसं ओय जीनं मखू का
आसा तोती धया गू छिन अनस वना धर्म तोते मखू का ।

मायावेती-

बर्फी प्यारा छुछू का गुपचुप गुलि यो नानि छिं धा हया बी
बम्बैसन् बालसाही पसलस गुगु इ सेल खाजा हया बी,
ह्लिह्लि योसां नका बी जिगु बलन छितं सादुरू कूछि धासां
बेले बेले वईगू गुलि डु फलफुलं नानि छिं छू धया का ।

सत्यसती

सत्यसती

सासा धागू सुनां का छिन थन सिउला मेँ चवकां का व धागू
स्वेस्वे धागू मिखानं न्यन श्रवण निपां वासनाया म्य हागु,
ओने धाका तुति नं गनगन मवना ह्लातिनं थ्यूतु जू का
बश्ये याना तयेमा थव मन थमन धर्म तोते मखू का ।

मायावेती-

चोनी ला छीं अभीमान् गनन जि मवने सत्यसं चोन्य फैला
जाया दे यौवनं छी दिन दिनस हनं त्याग यायेगु फैला
हेती पासापिनीम्हं मिजन खना लोलअनी धका का
स्वप्ना बिना सदानं मिजन जक खनी नानि छिं छू धया का ।

सत्यसती-

ध्यानं खंसा मिजंतं जिगु मन मननं दिणु भापे वयातं
यौवन् जायाव ओसां फइ मखु जित ओं राग याक्येगु भातं
सत्ये सत्ये सतेनं मखु गनन वने स्वामि धाये मखू का
लो नं सुं हे मवका करपिनि मिजन धर्म तोते मखू का

मायावेती-

हेला याई छितं सो मिजन मडु धका ओन्य चोन्य व्यलेसं
शोभा नं दे मखू का वसतन पुनसा नानि छी ह्याव्यलेसं,
मेले झासा छिके सो त्वइ वसत तिसा धाथ्यनं जिं धया का
व्यर्थ छोये मते छिं हिनछि वयस नं नानि छिं छू धयाका ।

सत्यसती

सत्यसती-

ओने स्वा जी चवने स्वा मन जिन चिय फू याइ सुनां ह्यला का
बां बां लागू छू वस्तू गुलि दइ थनसं बां दुसां बां मला का,
ल्वेके स्वा जी तिसा नं वसतन पुनसां धाथ्य नं जी थुगू का,
कालं आयू यनं का हिनछि जिगु थनं धर्म तोते मखू का ।

मायावेती-

थों जा नानी अधीकं नगु निगुत थिना चन्द्रमा नं अती थी
प्याखं सो नं वनेनू अति हिसि दुगु का छी मज्जूनी स्व जीथी
काती प्याखं बयना है वन छित अनसं झ्यालसं तुं तया का
बोना येने छितं छि अन यल सुमुकं नानि छि छू धया का ।

सत्यसती-

माजू बाजू जि काये थवयितिपिसनं हाकनं म्हाचनं का
चाया रात्री स्वयेतं वन हिसि मदुम्ह धाइगू जि खनं का,
आहा धोमा जितं छी अति हित जुइगू कंवलं खें थुगू का
ओने जीनं मखू ह्मां घरम फुइ जिगू धर्म तोते मखू का ।

मायावेती-

कंका बी ओं पुराणं छित छू छू यलका योगु वेदान्त नं का
न्यंका बी ओं अनेगू हिनछि खबर नं न्हगू न्हगू छितं का,
बाखें ओं नं कनेफू अति हिसि दुगु नं ज्ञान ओ गूणया का
झाये म्हासा यने नू सुनुस अन छिनं नानि छि छू धया का ।

सत्यसती

सत्यसती-

ज्ञानी जूसां अनेगू हिनछि खबर नं, स्थूह सां नं मयो जी
नेना चोना पुराणं हिनछि जिन थनं कर्म दक्वोस यो जी,
स्वामी सीना वसेली करपनि मिजनं छुं ह्यले नं मद्रू का
न्योके नं स्वा जितं थो सुमुक दिस छि नं धर्म तोते मखू का ।

मायावेती-

नानी छी ख्वा गये च्चं कमल तुइल थें स्वान यो ला हया बी
होया चोंगू दुका सो पुखुलि पतिक नं धा हकी जि हया बी,
नानी मज्जा अधीकं थुगू ऋतु शरदं छी मनं हे स्वया का
तानोगू नं मखूका चिकुगुन मखू का नानि छि छू धया का

सत्यसती-

न्योका ब्यू छी वनाओ कमल गुगु कथं होगु दू का पुखली
ओया योवन् धका कं च्वनि गुलितक नं इवा जुया नं सुखूची,
कालं पोया च्वनी ला व सुरुसुरुकं सीय स्वागू मखू का
आशा तोती धया ब्यू जित उह्य मिजनं धर्म तोते मखू का ।

मायावेती-

हानं हानं दई ला जनम थन जुये क्षीसनं का सदानं
पुण्यं पापं लिपा क्षी जनम गन जुई सीक्य फूला सुनानं,
यायेगू सो खें आ हे नय तिय फत सा धर्मया खं मव्या का
हैं हैं नानी हयासं अकिल जिन बिया नानि छि छू धया का ।

सत्यसती

सत्यसती-

दोह्रीको अश्वमेधं नर जनम छको झीसनं जूय दैका
पापं पुण्यं सियेका जनम जुया पाप यायेगु खैला,
सत्ये नं का स्व थीरं चवन धरति फुकं धर्मं तोते मखू का
जीतं सीके धुनं का विषय रस फुकं धर्मं तोते मखू का ।

मायावेती-

नानी छीनं फई ला सुमुक तय छिगू ह्ला तुती, मे, मिखा नं
ह्लाये, ह्लायेपं छिगू का च्वनि मखु सुमुकं चंचलं ज्वीगु मन् नं,
यायी शास्ती छितं जा हिनछि थमिसन यत्थ जूये धका का
यागू छीनं प्रपंचः सिल जिगु मननं नानि छि छू धया का ।

सत्यसती-

सोये धूनं मिखा नं जुय धुन तुयिनं ह्लातिनं थीय धनं
मनूया इच्छा थ्व हे का मसिलगु सियेके मेगु इच्छा मजूलं,
सोये धूंगु सदानं मनन व खनिका मेगु खंगू मखू का
संतोषं जूय धूनं विषय रस मयो, धर्मं तोते मखू का ।

मायावेती-

आशा यागू छु निति छित वन थनसं वान थानं दया का
खवान बांला तुईया ह्यन सकल तुयू अंग गोलं जुया का,
न्यासी झाई छि धोलां स्वयन छि हिसि हू हंस ओथें वना का
लो वंगू वं उकिंका उह्य मिजन छितं-नानि छि छू धया का ।

सत्यसती

त्यसती-

संसारे ओं मिसातं गनन मखन ला सूं व कन्या तिनीपि
धक्कावुंढी वयागू जिगु मन मननं रूपसं मोह जूपि,
स्वां थें भापे थ्व यौवन् च्वनि गुलि तक छवकलं इवा जुय का
हानं तीया मिजं जि मखु गनन वने, धर्मं तोते मखुका ।

मायावेती-

मखुत मखुत चोने छेंस ज्या जी हथासं
थनन यल वनाओ छेंस याये जि वासं,
जिन सुथस वनाओ कं वने का लिपूखं
थुलि भुनु भुनु हाला ल्याहें ओनं सुतूकं ।

मायावेती-

शरद ऋतु भरौ जि चाकि याना वया छें
वय नु धक मधा का ल्हाजि ओनां छु याये,
बर छित जक धा ओं ज्ञान दयेकी धका का ।
गुलि तक थुगु यौवन् चोनिगू सीकि धा का ।

इति श्री चतुर्थोऽध्यायः ॥

सत्यसती

हेमन्त ऋतु वर्णन

संखज्योति-

ऋतु यो हेमन्ते महु जिह्वा कला छे व मभिना
मिसायागू मूजः थुगु ऋतुस मज्जा अति निना,
लिथू ब्याहा याये थन मन हतास जित जुया
तता मायावेती जित छिन कृपा या अन जुया ।

मायावेती-

तुइक तुइक पुं हे तोपुया च्वं पलीसं
फइ मखु जिन ओने जी पुचा का तुतीसं,
चिकु चिकु धक ह्नि ह्नि मी कुनाओ जुयेमाः
छिन जित वनि भापा, न्हागु ब्यूसां वने ह्या ।

संखज्योति-

छको ज्ञासं छीनं धरम धक सीका मन मन
वई आ हेमन्तं मनमन लुमकी मिजन दं,
भिजंया मूजः नं गन दइ वयातं अनस का
अवश्यं ओई खं जिन उह्य मिसा जा थनस का ।

वनं मायावेती थुरु थुरु नुका कान्तिपुरिसं
च्वनं गाना च्वापू तुइक भूमि फातं व पलिसं,
दुहा बोना छेसं च्वन गन व सत्येसति अन,
छित कःलीं ती थें तिय धक वया का धक कन ।

मायावेती-

मते नानी छीनं जिगु वचन नेनाव थनसं
मखू स्वतं सीके छिन जक बये धा रसवसं,
मसीसें जि ह्लाना उह्य मिजनयातं छिगु खं नं
थथेगू जि स्यूसा जिन छित मधा का थुगुमनं ।

चन्दन् जीनं चुलाओ थनि जिन स्व हया ह्वा तुयीगू जुया का
कोनं मासा हया बी दुर छुचन निता ह्वालं बां दं बुया का,
नानी हेमन्त काले हित जुइ थुकिनं शी मिसा जातिया का
बुद्धी बीया हलं ओ छित अधिक यया नानी छि छू धया का ।

सत्यसती

सत्यसती-

को नं दू का जिके हे रुप अति दइगू काश्मिरी केशर का
बूया चोना छँचले जि अतर अगुरया ओनि ला छी करं का,
छाये ज्ञाया छि पूसं छु छु बिल छित ओं कं जितं छि थुगू का
बोये जीनं व हे का बरु छित सुमुकं धर्म तोते मखू का ।

मायावेती-

इयाले चो नानी थौं छी मिजनन स्वय धा ओइका सो व नं थौं,
छीगू न्यौका वयानं वइस दानं धका धाय धुनं जिनं थौं,
तोता छोया छिनं ज्या थनि छिनं दिसैका आश वंगु पुरा या
मेपि कन्या दुसा नं छित अति यल का नानि छि छू धया का ।

सत्यसती-

केने जीनं मखू का जिगू रुप वइतं इयालसं चोन्य ला: ला
छैका ज्या वांछवयाओ जिन सुमुक वना इयालसं सोय ला: ला,
ज्वां ले संसारयाओ धक छिन सियकी भिगु ज्यां धर्म लूका
कर्म यागू धका का सिल फुक जगत धर्म तोते मखू का ।

मायावेती-

नानी छि धीर्जयाना मन चिय न फुका वैशसं भात सीसां
हेमन्तं का मिजया गुण जक लुमनी कूय मा न्हागु सी सां,
च्चापूया वं फये नं थुरुथुरु मिनकी व्यर्थ जन्मं जुया का
वेने दै छी लुमुकं मिजन नप हनं नानि छि छू धया का

सत्यसती

सत्यसती-

सोये धूनं मिखा नं छभि जिन स्व वना ज्वा थुगूनी ऋतूया
यश्ये ओनं जि मन् नं नय धुनगु जुया चाल थो हे मनूया,
सोये माका मखंगू चवन मनस थुगू स्यूगु सीके मखू का
हानं मेले वनाओ जिन मखुगु सना: धर्म तोते मखू का ।

मायावेती-

वांला नानी छि थौं जा अलकस दुगुली छाँट ओंका सह्या छि
छापं तीना तुयूगू त्वल अधिक छितं दु:ख सी जन्मकाँछि,
मेले ज्ञाया छि नानी सुख जुइगु खना ओइ आसं वयाका
मज्जा छीतं जुई का थुगु ऋतुस मिजं नानि छि छू धया का ।

सत्यसती-

शोभा लाका जुये मा मिजन तवमिसां ईश्वर: ध्यान याना
भिगू ज्ञान यो मनूया मभिनिगु मयलं सोय मा भिगु याना,
मेले ओंसा अवश्यं सुख सियुगु मखं पापिसं त्या तयू का
सेना ओने जिनं थो सकलसित थनं धर्म तोते मखू का ।

मायावेती-

योके कासीस छीतं अन जक वलसा श्रीजगन्नायजीसं
बद्री केवामथूरा सकभन यनके तीर्थ तीर्थस छीतं,
धर्म याका बिये जि मनस व छु छु दू भातसीहा जुयाका
लीस्वे म्वा छि थुकीसं वय मवय गथे नानि छि छू धया का ।

सत्यसती

सत्यसती-

द्वारीका श्री मथूरा सकभन जि हिला स्वामि नापं वना का
गंगासागरजन्माथ जित अन यनकी माजु बाजू मुना का,
धर्म याये जिनं का थव कुलस जिनं पाप याये मखू का
याये फँका गुलीतं जिगु थुगु शरिरं धर्म तोते मखू का ।

मायावेती-

व्याहा याये धकाओ छित उह्य मिजनं जिट्टि याना व चोंगू
रूप गा बुद्धि नं गा धक वन सियका ज्ञान वया मन् खुवोगू,
ज्ञानी जूसा छि नानी छभि वनह्य नपं व्याह याये धका का
मन्सा वाचा व कर्म छित जक ह्यल ओं नानि छि छू धया का ।

सत्यसती-

नहापां ल्याहा जुओह्यः अति हिसि महुसां वान थानं महुसां
ओ हे लक्ष्मी धकाओ थन मनन कला आदरं याह्य जूसा,
मन्सा वाचा व कर्म समरन जित ओं याय माली मखू का
आशा याये मते धा जित उह्य मिजनं धर्म तोते मखू का ।

मायावेती-

तेजं दू छी अतीका मणि दुह्य बि समं रूप यौवन् नितानं,
ज्ञानं ल्बेकं छिके दू सरस्वति सम नं खंगु ज्यां या ननानं,
व्यर्थं छोये मते छि जिगु थुगु वचनं विन्ति याना जुया का
मेपि कन्यासिनं छी यल उह्य मिजनं नानि छि छू धया का ।

सत्यसती

सत्यसती-

व्यर्थं छोये मओनी छिगु वचन थनं योग्य ला छि जि धाये
याक्नं ल्याहाँ थनं हूँ तय मखु छित जा मेगु जीनं छु धाये,
आशा केनं छुयागू व मिजनन छितं सो बिये जीं थुगू का
म्वाम्वागू ज्यास जूया फल छित गन दै धर्म तोते मखू का ।

मायावेती-

केनं आशा जितं ओं वसत बिय धका दाम नं बीय धा का
नानी जि कोटि बिन्ती छित जिगु मननं धाय धूम्हं जुया का,
मेले ज्ञासं वयाके मन थिरस तया छाय छी लीचिला का
चोने दै छी सुखं का जनम भरि अनं नानि छि छू धया का ।

सत्यसती-

योकी धोमा जिके छि वसत भिन भिनं दाम नं माछि फोना
म्वाःगू हाले मते छि वनि मखु जि गनं चौपटं जिट्टि जोना,
धिवकार्जन्मं छिगूका धरम गन तया लहा वया खं थूगू का
मेपि ताला स्वकी धा छिन सुमुक वना धर्म तोते मखु का ।

मायावेती-

तायो बी बीज् तयागू सपलस छुयतं स्वान लूयागु नं का,
चूरी बी का लूयागु जनम भरि छितं लहातिसं दंक नं का,
प्वाजे चीकं लूयागू सिखल व बियेके सच्छि तोला तया का
सत्ये सत्ये बियेके थुलि छित मिजनं नानि छि छू धया का ।

सत्यसती

सत्यसती-

लोभं म्वाः जी तिसाया करपिनिगु हनं आश नं जीं मयाना
स्वामी सीना वसेली तिय मडु भिनक दू धका योथ्य याना,
धायं म्वः सत्य नं छीं वनि मखु जि गनं मूर्ख जा जी मखू का
धोमा छी जा जुयें फू हिनछि थन अनं धर्म योते मखू का ।

मायावेती-

न्हैथू नं धा हया व्यू छहा वयस दुम्हं सुन्दरी बानलाहा
होने जीन लिथू ओ तय मन हरषं स्वामिया योहा धाहा,
न्हैथू ज्वीम्हं थये धा लिस्वय सत्य छिनं छीत जां जि बिया का
का का यावनं जवा व्यू जित हतपतनं नानि छि छू धया का ।

सत्यसती-

त्वापूया छेँ जुईका कच कच न्हिनछी न्हैथु लीथु तया नं
पवाले दुने छुँ चोना सरप व भउ वः प्वा पिने चों पिया नं,
छूँया आतुजुलं का न्हि निगुलि लजे ओन्य जा ओ मफू का
छूँ थें शास्ती नयोगु जिन खन मिजनं धर्म तोते मखुका ।

मायावेती-

नानि सत्येसती डो गुलि थन जि वये धाय ला मामयातं
मामं धासा वये ला छिनं अन सुपुकं छी मखूका मचातं,
ह्यासे यौवन् छि नानी करम छि मदया भात छीहा सिनाका
न्हानागु का छितं जि सुख सिङगु खं ना नानि छि छू धया का ।

गत्यसती

सत्यसती-

धायें म्वा मामयाके बिल वन छभि जी विष्णु भापा जिलाजं
हानं मेले बियाओ सनि मखुत वनं धर्म तोता थव ज्यासं,
छाये व्यर्थ छवया छि वचन थवगु नं लाख वंगु मखू का
इच्छा जीनं मयाना मखु गनन वने धर्म तोते मखू का ।

मायावेती-

नानी छी नां व जां ओ त्वल अधिक थनं ओय ह्यालं छिथासं
तं नं स्याये फुका छि थुलि मछि दतजि धावया वंगु आशां,
छागू वाक्ये मया छि मधुरन जित धा वे मखू जी धका का
चाया रात्री छको नू जिन मुलुक यने नानि छि छू धया का ।

सत्यसती-

मायादेवी छितं ला त्वल छिगु थनसं नां व ज्या ओ निगू का
चाया रात्री जि वंसा खनि जित हरिनं खं प्रकाशं जुई का
लज्जा जूयी जितं का सरम गन तये जी वने नं मखू का
पासा दू धा सदानं छि छहा जक दुसां धर्म तोते मखू का ।

लालतपुर वनाओ कंवनं का लिपूखें

मायावेती-

अधिक धरमं धाम्हं दै मखंका सुटुक्कं,
जित जक व मिसानं ह्यालं नीलं हिस्यातं
मिजन जिन मखला ओ मिजं सोय गातं ।

सत्यसती

मभिन मभिन भाजू संखज्योती छि हे का
जित जक वन धालं जां मद्रुहं थव हे का,
सरम छिन मचाला तुत्तूतूया व येका
थुलि धक जित ध्वाना नं हलंका ह्याये का
संखज्योती-

जिगू निति छीनं तुतु तुक वनं का हिनछिया
हया बी छीनं छिन जुल यलं जे दुग सिया
झिला छीन झालं दनि हन निलानं दछि वनी
अले शाये म्वालं मफु धक जि मन् नं पन खनी ।

इति श्री पञ्चमोऽध्याय ॥

शिशिर ऋतु वर्णन

मायावेती-

शिशिर ऋतुस ओने आ छको जो छिगू ज्या
कबुल जिगु वनाओ याय मागू थुगू ज्या,
सरम जिन मचासैं धा वने जि व हे का
वइगु जिन मखं का ओ निसां छीत येका

मायावेति वनं व कान्तिपुरिसं ऋतु शिशिरे हनं
गांगि भुतु भुना मछागु पहलं को को छुनाओ अनं
नानी नानि धका वनं व सजता छेसं हतासं अनं

मायावेती-

बोये जी मकुका छु ताल छिगु जा चोरां मिजं आशनं ।
ओने नू जिगु बिस्त न्यो थन छिनं लज्जा जुलका जितं
ह्ला ओया जिन छी वनीगु पहल धक्कार जो बुद्धि नं,
ह्लापां न्योनि मओ छिके छत्र चनं सीतीकनं न्या वया
आशा तोधुलका छि वैगु अनसं सीका मनं जि कया ।

च्वापू गाना चिकूया तुति हिइल जिगू नानि थों जा अधोकं
कूये हीं जि मि नं हहि भनि लुमुके च्वापु थें जी हथोकं,
धर्मात्मा छी जुयाओ शिशिर ऋतुबले दुःख बीये धयाला
झाया दीसां छि बैके छनि लुमुक छि नं नानि छि छू धया का ।

सत्यसती-

फीना जीनं लनं सो अति भिन भिनगू ल्वातुयानं लुमूगू
गानं नेया च्वना जि अति लुमु लुमुगू पस्मिराया बुं दूगु
कोठासं इया तिनाओ फय वइगु पना फाय फांग दूगू का
नापं देना मिजंया जिन मखु लुमुके धर्म तोते मखू का ।

मायावेती-

योम्हं ल्यासे मिसातं बल शिशिर ऋतू नानि आ जा हिलाओ
खेतीयापि मनूया जव दइका द्वों द्वों वा ओ तुयाओ,
ल्यासे जूया छितं छि थुगु ऋतुस योंक्यगू भालपा का
थेने लुम्कं छितं धा उह्य मिजनन का नानि छि छू धया का ।

सत्यसती-

ओने जीनं मखू का शिशिर ऋतु चिकू छेंस चोने लुमुका
सो छ्वेका मो कुयेका जित चिकु जुलसा ओ मिजं जी मखूका
छेने धूनं छको जी शिशिर ऋतुबले स्वामि नायं लुमुका
फांगा फायाव देना जिगु हहि लुमुके धर्म तोते मखू का ।

सत्यसती

मायावेती-

भातं वाई धकाओ चिकु वखत जुया धाथ्य चों न्हेथुनका
हेके मा आ धकाओ हकि लिथु छित धा, छि मधा वे अनं का,
चा नं ताहा खुमज्जा अति लुमु न लुमु भात दया नापं दया का
मज्जा छीन लुमंकी मनमन थमनं नानि छि छू धया का ।

न्यसती-

ध्याचू डंकूगु थो जा न्हाथु जुइह्य मिसां जी हयाव्यू धका का
सास्ती याये मनं धा लिथु जुइ गुहा का छें हयेवं धका का,
न्हाथूया वश्य जूया अन पुइ गबले छि धया नं वयू जा
कर्क्या छें ल्वापु पीतं वनिमखु जि गनं धर्म तोते मखू का ।

मायावेती-

ओने भि माघ मासं तिरथस गननं संखमोलं खुसीसं
झाईका संखज्योती हिनछि सुथ सुथं मोल्हुयेतं खुसीसं,
नानी सत्यसती छि स्वय दइ अनसं झास नू मन् तयाका
न्हाको धासां व जीनं छिगु मनस मवं नानि छि छू धया का ।

सत्यसती-

लो ओंगू छू जिके ओं गुलितक गुणि जी बानलाका गुली का
मोहं जूये मते धा म्वहन वन फुई राग रङ्गं व जी का,
आत्मा ज्ञानं स्वया का विशय रस फुकं पागु छुं हे मद्रू का
ओमा धा छी वनाओ वइ मखुत धका धर्म तोते मखू का ।

सत्यसती

मायावेती-

तस्वीसोया छिगू मन मन चिय वन धा नानि सत्येसती थौं
जात्रा है माघयागू अति हिसि दयकं सोवने नू छि जी थौं,
केमरा केनी छित ओं मुसुक वनि वनं छोगु तज्जीवन का
झाया दीसं छिन नू अति मन हरषं नानि छि छू धया का ।

सत्यसती-

जात्रा सोये लिला ला जिन मुसुक चवना ज्या मदुला जि छेँया
स्वस्थानी ईश्वरीया धरम जिन दना भलिजन् ज्वी जि येया,
परमात्मा ब्रह्मयागू रुप गुण सियओं पापि जी ज्वी मखू का
संसारे जन्म जूया वनि छन्हु जि सिना धर्म तोते मखू का ।

मायावेती-

चिट्ठी बीया हलं ओं छित थन स्व थनी नानि सत्येसती का
बोना सोया दिसं छि छु छु तक खँ तया चोगु थें सो भती का
न्याको धासां छितं जि मन मनन छिनं स्वंगु धा नं मधा का
याकनं दीया छिनं थो चिठी स्वय मखुला नानि छि छु धया का ।

सत्यसती-

बोना बी हीं चिठी जि चवत छु छु स्वय मा बुद्धि वो हे मिजंया
ध्यान दाना सदानं सरस्वति जिन जा आखलेसं मनं या
चोगू ओनं थयेका मन धिर मजुलं रोग जूगु मगू का
मतलब् ओया थुगू का जित तयगु कला धनं तोते मखू का ।

सत्यसती

मायावेती-

मेगू चोया चिठीसं छु छु हल स्व वनं नानि सत्येसती थो
जीनं बोने मफू का थुगु चिठीस दुगू नानि सत्येसती सो,
बोना ओ चिट्ठीया खं जित फुक कें थनं थो खें चवोतं धका का
फुककं बोना स्वयेगू छिगु मन मदुला नानि छि छू धया का ।

सत्यसती-

चिठीया खं कनेका हिसिमदुहा कला छेँ दयाओ जिनं का
भि सा हे का कला छेँ सुख सिइ मिजंन छत योंके जिनं का,
रुपं दू सोप नं दू धक जिन हसिया युक्ति याना थूगू का
चोगू ओनं थयेसां वन्य मखु जि गनं धर्म तोते मखू का ।

मायावेती-

चोया बी संखज्योति छित छु छु यलका बुं व छेँ ओ निता नं
न्हैथू नं होन ओसां बुन वइ छित वा छेँ चवनेतं दु हानं,
भौं हे चोका बिये ला सहि वन तयका ताछि सुर्ता तया का
हाहा धाये मते छि जिन स्वय व थनी नानि छि छू धया का ।

सत्यसती-

छेँ ओ बू नं छु याई धरम जि फुयओं साछि सुर्ता छु याई
सेनाओ ओनि फुककं गुलि दत चिज नं कालन नाश याई,
ईश्वओं जीव वस्तु फुय मदुगु स्वता न्यावलेसं थुगू का
पापं पूनी धका ग्या जिगु मन अधिकं धर्म तोते मखू का ।

सत्यसती

मायावेती-

बीया ओनं हलंका अविर जित थनी नानि सत्येसती का
इयालेसं छी दिया ओ मिजनं गुलि बलं त्वाक कंकी कयी का,
फागू ह्रीता च्वनीगू स्वय जिन व धका आश याका छिगू का
न्यासा ना थो अवीरं सुमुक छिन थव का नानि छि छू धया का ।

सत्यसती-

दामं ओया गुली दू जित अविर बिया छी छवयाओ हलं का
स्वामी सीना वसैली जिन ह्यस मतया ह्याउ धावको फुक का,
योका ब्यू छि लितं तू सुमुक वइत तुं काय जीनं मखू का
वेके ओना जि नं सो थुगु जगतसनं धर्म तोते मखू का ।

मायावेती-

वयन मखुत आजा नानि सत्येसती जी
धरम अधिक बल्ला थौं तया का मती जी,
जनम छिन कयाया बान लातं छि ज्ञानं
मसल जिन छि धाये माफ या का ननानं ।

ललितपूर वना वन धा वनं

मायावेती-

दछि दतं जि जुजूं मवलं वनं
मफुत जीं ह्यगू उह्य सत्यसती
अधिक जां दु वया छिन ती मती ।

सत्यसती

शिशिर ऋतुन ओनं वे मधा ओ मिसा का
मयल जित छिगू नं दाम छुं हे धका का
नरम छिन खं याना छेय हया ती कला का
मफुत जिन वये ह्यां यायगू छि स्वया का ।

संखज्योती-

तता मायावेती जिन तय कलातं उह्यतुका
जिनं सोयेमानि धरम जित तोते मखुतका,
छुयाये जी कसं बिल उह्य मिसा धाय मननं
तनं दीये स्वा ह्यां दुख बिल धका मन मनं ।

समाप्ति

अहो केहे लीलावति छन थुलि जां मनसं
मिसाया धर्म हे थिर जुल व भूमी फुक थनं,
मिसाया धर्म थो सिजन सिय धुंका हन लिपा
सत्येसत्येया थें मिजन मदु सोये छह्य लिपा ।

सिद्धि मली उह्य मिसा थुलि ज्ञान् मकासा
धिवकार धाइ मनुषं अति धर्म यासां,
वाहा जुई छिनदिया गन सत्य तोतो
सत्यं दया वइगु का फुक धर्म ज्योति ।

सत्यसती

संसार तवधं अधीक धरमं पापं तओधं मखू
छं जूलं स्व मिसा मिजं फुकसियां बांलागु छेँ छेँ मखू,
बुद्धि गाहा मिसा थव ग्रन्थ स्वतसा सत्यं चवनी कोच्छुना
सत्ये वादी मिसां थव यागु खं जुया सत्येसती नां छुना ।

कलीया डादो ओ झिडस्वदं निथी वर्ष दुबले
महीना जा चैत्रं सुदि नवमि भिंगू दिनबले,
दयेका थो ग्रन्थं पतिव्रत जुयेमा धक मिसा
तियेमा वैधव्यं फुक विषय तोता थुगु तिसा ।

जिगू नां सिद्धीदास् जनम जिगु कांतीपुरिसका
जिगू थर् माहाजू चवंगु जिगु केलेस जुलका,
पिता लक्ष्मीनारायण जुल व सीकी फुक जनं
सतीसत्येयागू सिधल गुण चोयागु अनसं ।

इति श्री अमात्य सिद्धिबास विरचित सत्यसती
शिशिर ऋतुनाम षष्ठमोऽध्याय ।

कवचाल